


沈乃文 主編

明別集叢刊 第一輯

第四十七冊

黃山書社




沈乃文 主編

明別集叢刊 第一輯

第四十七冊

黃山書社



(明) 韓 雍 撰

襄毅文集十五卷

清乾隆寫文淵閣四庫全書本

欽定四庫全書

集部

襄毅文集卷二

詳校官庶吉士臣陳若霖

中書臣劉源溥覆勘

總校官檢討臣何思鈞

校對官中書臣楊世綸

謄錄監生臣沈洪

欽定四庫全書

集部六

襄毅文集

別集類五明

提要

臣等謹案襄毅文集十五卷明韓雍撰雍字永熙吳縣人正統壬戌進士官至右僉都御史總督兩廣正德間謚襄毅事迹具明史本傳明自正統以後正德以前金華青田流風漸遠而茶陵震澤猶未奮興數十年間惟相沿臺閣之體漸就庸庸雍當其時雖威行兩廣以武畧雄一世不屑屑以雕章繪句為工而英多磊落之氣時時發見於文章故雖未變體裁而特饒風骨其雜文亦高視闊步氣象迥殊韓愈所謂獨得雄直氣者殆於近之朱彞尊明詩綜但稱雍有集而不著集名所錄雍詩一篇又非佳作其賜遊西苑記日下舊聞亦不載靜志居詩話絕無一字及雍殆

欽定四庫全書

襄毅文集

一

偶未見斯集歟乾隆四十六年十月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

東坡文集
提要

三

欽定四庫全書

襄毅文集卷一

明韓雍撰

五言古詩

同年會詩分韻得吻字

近得亞卿姚年兄書言正初黃門宋宗魯倡一同年

會序齒不序爵會者僅三十人狀元劉先生以鹿鳴

詩分韻在席皆有賦公在外必以不預為恨於是效

欽定四庫全書

東坡文集
卷一

洛下故事留吻字一韻專俟發揮得書三四讀不能

釋手此蓋亞卿諸公不鄙雍遺玷同年欲與進之意

甚盛也顧不敏不足以發揮盛事然念昔洛中耆英

之會王宣徽留守北都不得預致書洛公有願寓名

其間幸無我過之語始獲預焉其會與今會雖不同

其有關風化為人所嘉羨則同而況亞卿諸公以書

招我若固以不敏辭是不知感激果於自棄矣遂依

韻賦五言古詩一章以塞白且期後會諸公必能改

教我

憶昔甫弱冠鹿鳴歌呦呦遂能從羣僊直上瓊林遊瓊
林探名花少年我其尤同披宮錦袍共泛黃金甌一時
吐壯氣浩浩橫九州宣徒踐董賈實欲肩伊周竭來十
五載各有官宇憂友情膠漆深宦迹參商侔榮落雖或
殊大閑鮮遺羞賢科稱得人吾榜居最優邇聞黃門第
開筵集斯流尚齒不高官歎曲偏綢繆尊疊疊獻酢珠
玉紛賡酬我慚鎮南邦末席趨無由忽得春卿書分韻
欽定四庫全書

襄毅文集
卷一

二

題行臺驄馬行春圖

芳春日和煦乘驄遠巡遊品類遂生育嘉景羅道周青
山高挿天綠水深不流喬松與脩竹歲寒君子儔紛紛
李桃花競艷俱含羞觸物感時叙方寸恒多愁誅鋤奸
宄凶一道風霜秋斯乃職分常孰較劣與優所貴布德

化先解黎庶憂于焉起沈滯于以伸冤幽惠此甞獨民
而且扶善柔所行苟皆春願職斯無尤况嗟國步艱切
齒期復讐勤王無路歸空橫濟川舟寫圖警朝夕龜勉
追前修

壬申歲暮預約同寅余公新正郊遊值霖雨悶甚
正月三日因攜壺獨酌貢院池亭悵然有懷

天春隆淺薄日夕不寧處茲焉肇新歲崇朝積陰雨念
此休暇期客抱無可語呼童攜斗酒聊此適襟宇宜但
解勞瘁亦以樂治理高亭獨危坐八憲靜如洗亭下方
池深舉網得鮮鯉烹鮮浮大白感嘆不能已堪與寄渺
然固知若逆旅君親德未酬徒以身自許所幸年未暮
勉進或有取誰能副我圖悵然憶知己

再用前韻奉酬同寅余公持敬

天將啓中興神龍在淵處一朝飛在天雲從作霖雨若
人素端重殊無妄笑語棟梁異才具圭璋秀姿宇臣鄰
帝左右四海率化理豈但蠻夷賓更誇甲兵洗義君風

欽定四庫全書

襄毅文集
卷一

三

雲會不殊禹門鯉棘寺蘭臺榮超遷正未已用罰克明
慎體念大易旅文夫幸遭際何須義巢許默默古所羞
諤諤古所取相勉陳嘉猷致君日恭己

苦雨阻風夜泊劍江龍霧洲述懷十二韻三月四

日也

積霖殆三旬陰雲不能掃深江浩無涘滔滔走黃潦怒
風長號鳴排空雪山倒東作已逾時耕子心悄悄百穀
未始播平疇尚豐草農事或荒廢生民昌溫飽蹇予德

欽定四庫全書

袁氏文集
卷一

淺薄致此灾沴北惕焉發深省中懷自憂慎誰能補天
漏捧出日杲杲雨暘允時若稼穡遂堅好維舟坐終夜
無計叩穹昊古聞誠可格我但精意禱

寄鄉先生張養正監師

君子抱道德所志恒在民達則善天下窮亦思濟人濟
人伊何切鑒道體至仁先生吳中彥暨名冠時紳早承
家世傳羣書探其真癘病固本元制藥分君臣死生一
脉決其應若有神沈痾一劑起奇効時能臻且其不責

報嘗欲先賤貧所以賢大夫禮遇隆嘉賓宋清韓伯休
鄙哉何足論越人與元化足以繼後塵況其卓犖才高
談妙經綸斯人苟出仕所志回陽春偉哉張先生暨中
之鳳麟作詩寄遐想用俟觀風陳

贈別李文曜少卿

仲冬脩云暮朔風始淒其寒雲吹不開凍雨連朝霏征
夫倦行邁暫爾停葛溪命駕訪故人夜方抵其廬故人
忻我來呼童羅酒厄勸酬心孔懼痛飲何能辭重念賢

欽定四庫全書

袁氏文集
卷一

昆季能文復能詩隱顯雖不同聲名皆四馳蹇予涼薄
才托交共襟期茲焉或傾倒開我茅塞私我笑王子猷
雪夜訪戴逵一棹至剡溪云胡遽然歸又笑嚴中丞草
堂訪布衣禮遇雖或勤中懷積町畦豈若吾主賓一誠
弗相疑友道固若是彼徒紛紛為僕夫告夜聞漏鼓聲
遲遲振衣出門去伸謝寧無詞

鄉友張汝明陸宗海宗湜宗博皆良契也別久而
思申友道以告之蓋寓內交之義云耳

伐木詩久廢友道益以缺紛紛市井徒權貨日交接權
門勢方盛炙手時可熱一朝勢或傾掉臂隨斷絕貨室
利可資相親競諛悅有時利或盡反面肆欺蔑程公曾
書門馮驩亦喻說斯過理自然古人言至切我嘗處鄉
邦所友多俊傑一張與三陸門第皆閑閑四人與我游
情好固優劣彼非因勢趨我非因利結有義恒相規有
過恒相訐膠漆意永固芝蘭味無別睽違甫二載遠懷
不能歇嗟我門第衰一第更單子西山日薄時有力不
能竭定省無歸期中腸自嗚咽況乏裨益才所至咥政
拙深慚立堪輿虧此忠孝節所賴惟同心旦暮一扶挈
我愛晏平仲交久敬不輟又愛朱暉賢妻子託能愜作
詩寄殷勤此心誓如鐵相勉永弗諼期以效前哲

九江候孟誠李都不至而回留此寄情

同年復同官別久重相憶聞君北堂訃使我增惻惻遠
來致生芻蕘之慰憂戚山頭側身望十日未能即試問
東來船杳然無蹤跡匍匐無計往而且乏羽翼況奈心

欽定四庫全書

東坡文集

六

事牽匆匆逼行色空須悵然歸欲候那可得莫嘆南風
狂莫怪江水逆古稱會面難何時此情釋願言節哀痛
終圖報深德

直齋古詩為鄉人韋孟誠題

平生方寸間秋毫未嘗蓄譬之勁弓弦力挽不能簇又
若刺木矢寧折不可曲嘆彼姜公輔售名徒取辱豈如
史魚賢宣尼亦稱服勗哉鑒諸古不渝允終穀

輓樂僉憲妻劉孺人

古有樂羊妻勸學嘗斷織又有姜詩配養姑孝能力寥
寥千載下孺人繼芳蹟淑德馨芝蘭貞心厲金石相夫
學成仕東憲克善職奉姑養厥志匪但豐衣食況能教
子姓尤善遇宗戚所以賢哉名里閭共欽式遂承天恩
褒紫綬映朱翟年方躋下壽易簪遽永畢崇岡玉深埋
碑有太史筆觀風採列傳光榮耀無極

久苦淫雨喜晴登聚奎樓有作

五月十二日也

旬時苦淫雨不得預雲開平湖漲瀾漫矮屋垣多賴四

欽定四庫全書

東坡文集

七

郊亦茫茫未泰傷胚胎吾民失生業田叟尤悲哀博施
志雖勤濟衆誠難哉慙無變理能獲戾昌敢推荷此蒼
蒼仁幸矣回凶災朝陽發光彩飄風自南來長養萬物
成且阜斯民財登樓一舉手倚欄重徘徊

登湖口上鍾岳閣有感而題

愛此江閣幽維舟坐終日本徒玩化理不是荒遊逸

分少陵詩句壽漁樂先生七十

練川有達士德誼重摺紳軒冕非所圖以漁樂天真五

欽定四庫全書

東坡文集
卷一

湖浩烟波扁舟一絲綸子陵富春山呂望渭水濱遺風
邈百世于今親斯人昭代訪遺賢會見迎蒲輪

右人字

春秋條云邁林泉寄餘生有子經濟才憲府蜚英聲推
封拜嘉寵龍章下承明烏紗豸錦袍白日昭光榮人生
有斯樂況值時治平仰天一大笑舉杯勸長庚

右生字

賈藝不欲售甘心事休逸老陪香山九賢如竹林七一

朝天恩下光輝照蓬華脫却逍遙巾從容佩簪紱芝蘭
間玉樹踰踰遠前膝舉觴祝親壽願與南山匹

右七字

桑榆景彌好福祉自天錫偕老復壽康安居享祿食練
川喬木家屈指百無十新秋時雨霽華堂薦紳集金樽
注流霞飲如長鯨吸酒闌月初上光芒照南極

右十字

平生厭塵俗雅志素希古優游林泉下甘與麋鹿伍壽

欽定四庫全書

東坡文集
卷一

考躋七旬祿養享三釜佳辰集良賓肆筵設樽俎翩翩
青鳥來蟠桃送王母棄核齊崑崙遐齡宜勝數

右古字

新秋紱麟期清風自天來烹龍且烹鳳華堂壽筵開有
客海上至自云出蓬萊喜君壽且康為獻流霞杯主人
心孔歡須臾玉山推遙遠故鄉心何當一追陪

右來字

宿雲淨遙空瑞彩騰少微亦有南極星中宵爛光輝哲

入初度晨眉壽世所稀朝陽丹鳳雛翩翩翔歸高堂
啟華筵珍羞擊鮮肥歲歲祝長生孝子心無違

右稀字

送簡菴王先生叅政湖廣

條風扇微和凍柳青始萌載酒出東郭言餞君子行舉
觴未及酬潜然涕沾纓念昔侍芹泮知遇如平生悠悠
道愚蒙學業幸爾成感此恩義重欲報心怛怛同朝二
十年豈異骨肉情方資永承式遽爾歡戚并喬遷佐雄
藩買舟趣脩程且展經濟畧大拯瘡痍氓坐使湖湘間
境土悉以平敷庸動宸極召用諒匪輕斯時重盍簪相
與匡文明勿勿不盡意落日催雙旌目斷灤河舟夢遠
江漢城衡陽雁北來勿惜頻寄聲

寶善堂為姚亞卿鄉人題

世德恐或墜名堂在瑤林守茲萬端善何啻雙南金克
聞父祖志允師聖賢心勗哉永弗渝餘慶來駸駸

雨中招陸尚文

欽定四庫全書

襄毅文集
卷一

十

積雨生百感緬懷舊朋遊記得布衣時曾上君家樓君
家慈母賢延款禮最優維時作霖雨欲歸苦相留對牀
且三日講道何嘗休一從硯席分屈指二十秋踪跡雖
闊遠此心更綢繆憐君命猶垂壯志良未酬有司選才
行纔看謁宸旒已登青雲階高步諒匪憂而我獨戀戀
訪問嗟無由請君夜話來消我萬斛愁

問林同寅李聰疾

良契久在告單居苦無聊窘然坐臺署日盼趨晨朝得

欽定四庫全書

襄毅文集
卷一

十

書知未能悵然心旌搖宣尼且謹疾煩君益珍調

陳緝熙修撰先隴十詠

靈巖晴旭

暘谷升朝曦靈巖發晴光巒峯削金碧林木流葱蒼延
暉入琳宮影落浮圖長孝子葵藿心傾向亦皇皇

震澤秋蟾

巨浸不可測羣山繞其潯夜深上圓景天水光相侵風
帆照遠近沙鳥明浮沈徹底年年清照見哀哀心

光福烟霏

山寺延倒景烟霏坐來深殘紅斂傑閣浮翠迷遙林歸
鳥曉霽中高塔亦陰陰暝色欺淚眼猶聞鐘磬音

穹窿雲氣

山川有佳氣飛飛滿穹窿變態既靡常間色亦匪同隨
時作霖雨贊此化育功凝睇不可休疑親在雲中

天平嵐翠

天平帶晴嵐蒼翠彌巒岡松筠既叢茂泉石亦幽芳先

欽定四庫全書

卷一 象觀文集

十一

正百世人廟食山之陽眷言慕遺德至孝能顯揚

海雲茶屏

海雲近佳城佳樹特連理英英著冬花壘壘屏障起紅
芳冒冰雪羞與桃李比元勲光舊廬吾慕逃虛子

寄心脩竹

禪林茂脩篁翠影蔭玄室清風入林杪銚銚奏金石六
逸不可招七賢已陳迹感古重傷今遊魂竟何適

古廟喬松

廟古松亦古居人不知年直幹凌碧落深柯入黃泉上
有白鶴巢下曾見牛眠殷勤築禁步勿使根株連

沃壤西成

平疇萬頃餘多稼垂秋成農人畢收穫坐見百室盈比
屋既足食公家亦寬征孝子薦時羞取以供梁盛

伏龍晚睇

伏龍來東南蜿蜒氣凝結孝思卜先隴神人指真穴登
高矚遐瞻暮景慘分列髣髴見親容長吁淚成血

欽定四庫全書

卷一 象觀文集

十二

送程僉都彥實出鎮遼東

得其字

彤庭拜簡命領節安東臨平明出都門冠蓋如雲隨祖
觴未及酣相顧何淒其念子公輔罷德懋才且奇早年
歷清華聲望蔚四馳喬遷佐臺憲風紀資維持惟會曾
幾何曷忍遽別離遼陽古重鎮付託惟君宜君行益慷
慨所至諒有為千里桑麻場百萬貔貅師要使耕鑿遂
而且甲兵治天驕憚威聲塞外不敢窺庶分東顧憂少
答寵眷私微雨路塵淨輕風楊花吹膏車秣馬行去

莫我遲臨岐把衣袂更有叮嚀辭丈夫感知遇圖報須
及時功成早還朝慰我遙相思

送張起韶寺正出守保定

都門歇時雨旭日晴光流之子拜嘉寵南行典名州名
州近京國民物富且稠古稱治亦難而今簡才優惟君
瑚璉器早歲登瀛洲作官三十年直道從淹留再登棘
寺選不喜亦不憂平反著勞績賢聲徹宸旒于茲付重
寄期解黎庶愁君行勿急荒庶以答鴻休漢廷有循吏

欽定四庫全書

東坡文集
卷一

十四

通顯登列侯丈夫幸逢時儷美當操修

作朱中書文徵猶子字說兼勵以詩

雲間有華族世德鄉閭推隱君德彌彰六子生絕奇芝
蘭間玉樹森森列階墀頭角皆嶄然奚止稱白眉伯也
幹父疊克家禮無違次雖少長殊立身率能知長者向
文學場屋事可期少焉就外傳取友能得師進修不怠
荒成人理無疑我悉命以字走筆搞文詞厥字義孔深
諸子當潛思荀氏十龍駒實老五桂枝聯芳載典籍千

古家聲垂勉旃踵遺休圖報明盛時

寄大司馬王公度

大才不易得時艱良可憂所以古聖賢治世懷遠猷召
公欲致政周公勉相留二公心德同儷美匡成周芳聲
播千古人皆仰前修堂堂王司馬當代第一流以身殉
國家才氣誰可儔方茲任經濟整頓多事秋如何在告
中遽爾得退休不知諸同列亦曾勉留不昨簡掌邦政
朝廷廣詢謀黃門御史言稱職惟君優上允即超拜四
方動權謳茲聞勇退歸物議皆啾啾嗟予忝知己痛惜
不自由所惜為天下匪為君身謀四方水旱多賊盜方
且稠須起出羣才同心運良籌淵泉必有在士論終當
收君其善養年予未歌四愁

六月九日雲中行臺池亭偶成

卓午火雲起三邊且炎蒸薄暮亦煩倦池亭試閒登須
臾山風來襟懷爽如水輕羅不可試重衣更須增步還
坐中堂蕭然一青燈因之發感嘆庶以知自懲

欽定四庫全書

東坡文集
卷一

十五

十二月二十有八日余與總兵官彭武伯楊公副

總兵都督曹公地官郎中羅公習正旦儀於善化

寺禮既畢楊具酒肴邀鎮守太監王公守備中貴

羅公同此小酌以為歲暮休暇之樂余浩然興發

因成五言古詩一章聊叙情曲且識余感

流光一何駛冉冉芳歲闌嗟我裨益疎幽懷弗能寬所

幸封域內物阜民且安既習嘉禮成聊此閒遊觀內相

三槐後情意如芝蘭總戎出關西才罷比琅玕謙冲副

欽定四庫全書

東坡文集

卷一

帥先教子同登壇豫章先生裔中貴及地官並馳英俊

聲相從此盤桓禪窟大如斗兀坐無嚴寒總戎邀麴生

羞膳羅杯盤忘形到爾汝勸酬心孔懽餘酣豪氣充彼

此戒素餐丈夫感知遇豈憚世事難側聞河套賊西夏

為驕奸安能建長策奮飛擒可汗上報明主恩盡此方

寸丹局促空太息不得生羽翰拂袖歸行臺留題後人

看欲問作者誰臺叟吳門韓

圖韓范二公經畧西夏事跡于正心堂之壁各系

以詩著志也

魏公真間氣出也遭時亨芳年擢巍科柄用良匪輕諫

垣累抗疏四海蜚英聲望重官益尊台鼎司鈞衡危疑

決大策宗社賴以平元勲固莫加雅量孰可名維時孽

寇賊西夏為縱橫帝簡出羣才命公秉鉞行公行志有

在壯氣何崢嶸誓欲復土疆肯效城下盟軍容若山動

威令如雷轟賊聞膽已寒下馬遙相迎奉表願納貢曷

敢復戰爭山林有羣盜聞風亦憂驚薄伐即送降不假

欽定四庫全書

東坡文集

卷一

血刃征坐令數千里藩鎮皆銷兵豈惟邊患除公尤撫

邊氓開倉大賑卹百萬死復生西人感公恩處處生祠

成朝夕共瞻拜如念慈母情天將傾西北賴公手能擎

人懷左衽憂賴公終弗更一世揚偉蹟萬古垂光榮題

詩仰餘光北斗天中明

宋室治已久三垂悉安生西賊何奸驕卒然背初盟秦

中既告急朝野咸震驚范老獨慨然誓欲此賊平面受

間外寄胸中百萬兵跨馬提寶刀長驅莫敢攖侵疆始

通歷成算先已行大順當要衝賊必紛紛爭拔築條云
具旬日完高城賊聞傾國來相訝如神明揮軍與血戰
敗北僵屍橫從茲膽已破不敢窺咸京蜀羌亦歸心願
入為編氓公能推誠信撫接如孤嫗營田萬頃餘勸課
皆開耕西成富收穫百室俱充盈有無時懋遷日中通
民情干戈既偃息所至壺漿迎歸來告天子報功亦非
輕黃閣贊大猷事業尤忠誠惟公千載士豈但人中英
先憂與後樂有志事竟成泰華擎空高江漢徹底清
流

欽定四庫全書

卷一

風播永世忠獻齊芳名

夏太常碧梧翠竹圖為林同寅季聰題

孤桐何亭亭脩竹亦嫋嫋根株起泉石相引入雲表喬
枝潤玄雲密葉搖翠葆所嘉清標同非比華色好芳春
闌妍姿嗤彼衆花草一時固悅目零落苦太早節操豈
若茲霜風不能撓良材世皆惜大匠解品藻棲食招鸞
鳳厥美謏稱道虞廷取制作音韻天下少

淇園晴翠為前人題

芳蓮出淤泥紅藥翻雕闌托根既匪固塵滓亦瀾漫驚
風將雨來艷麗紛凋殘此君自幽潔玉立淇水灘氛埃
弗能侵奇石與盤桓豈解避盛暑惟知耐祁寒風雨時
一過園丁報平安勁節不少摧秀色益可觀都臺有君
子雅操世所難太常交誼深比德寫琅玕流芳嗣衛武
題詩後人看

三茅觀與左遷錢學士致仕陳太常謙集分韻

攬衣上高軒開軒俯遐荒江山界吳越勝槩非尋常雲

欽定四庫全書

卷一

起風隱隱潮生浪滄滄好風入我懷冰雪生襟裳春言

我同心聊此盡一觴一觴未及酬冥思熱中腸文夫感
知遇圖報心遑遑宜須薄江湖何暇思廟堂但使吾道
行咸能濟時康所以鄉先正進退憂弗忘我希古之人
歲月悠且長何以誓此心仰視白日光

右滄字

三茅一何奇門與越山對西湖在何許蒼茫隱其背絕
頂多樓臺從來幾興廢喬林掩映好百鳥聲瑣碎我嘗

乘使車踪跡窮宇內山川亦周覽佳麗鮮可配來茲集
良賓頓覺精彩倍子瞻方謫宦若水已勇退行藏雖匪
同心志總弗昧芳尊叙寒暄新咏寫肝肺瓊林粲珠玉
但覺我形穢去去各勉旃流芳踵先輩

右對字

張司訓乃尊松坡翁輓詩

我嘗持使節幾到于越城駐節訪隱君知有松坡名松
坡不嗜進雅重月旦評道義施一鄉濟利良匪輕一經

欽定四庫全書

東坡文集

子

授佳器卓卓蜚英聲登科作師儒能使斯道行乃知松
坡德流行在後生茲已作古人聞之欲沾纓鄴湖水已
落弋溪鳥空鳴欲養不可回孝子難為情最哉圖顯揚
終可慰九京

壽趙總兵

三首

去年祝君壽艤舟瀟湘灣今年重祝君遙遙望梅關梅
關如在天可望不可攀寫我心中私祝君比南山
別來未旬月夢寐懷斯人允為三軍帥極此兩廣民曹

彬不妄殺羊祜心更仁仁者壽必遐綿綿等莊椿

夜起視河漢將星光新新蒼姬運中興松岳生甫申時
事亦孔艱匡濟惟良臣願言宏厥施又此烝烝民

十二月二十有三日發梧州之潯與二三同事小

酌書感

遐荒歲云徂行役猶未休晨起戒舟子理櫂沂急流笳
鼓聲初喧舳艫蔽江浮亂石白齒齒激湍清濶瀏長風
飽蒲帆薄暮方始收嗟我本駕鈍辭親恒遠遊烏鳥亦

欽定四庫全書

東坡文集

子

有情豈不懷故丘時事方孔棘思遇亦未酬春茲弗荒
寧奔走不自由所幸二三友同朝舊朋遊且與倒一尊
解我百責憂重裊坐廣堂高爵等列侯丈夫苟有志視
此同一漚所貴慎明德建功踵前修舉杯望青天思飲
月底頭

寄王畏齋

兒從故鄉來一一問鄉舊見說畏齋老風神益明秀華
岳出晴空孤松立霜後詩書老不倦日夕娛俎豆平生